




**BIGUIN ANG MALUPIT NA
KONTRA-REBOLUSYONARYONG
GERA NG REHIMENG US-DUTERTE!
MAGPUNYAGING ISULONG
ANG DIGMANG BAYAN!**

Marso 29, 2021 | Pahayag ng Partido Komunista ng Pilipinas sa ika-52 anibersaryo ng Bagong Hukbong Bayan

PAMBUNGAD:

a) Gamitin ang okasyon ng ika-52 taong anibersaryo para timbangin ang lakas sa pamamagitan ng pagtukoy kapwa sa ating mga nakamit at pagkukulang sa nagdaang taon.

- paunlarin ang mga kalakasan at pangibabawan ang mga kahinaan para maging mas mahusay sa pagsusulong ng digmang bayan
- pag-aralan ang mga kalakasan at kahinaan ng kaaway upang makabuo ng mga plano, estratehiya at taktika para biguin ang walang puknat at brutal nitong gera laban sa mamamayan.
- parangalan sina Antonio Cabanatan (Ka Manlimbasog), dating kasapi ng Komite Sentral, Kawanihang Pampulitika at Komiteng Tagapagpaganap, na dinukot kasama ang kanyang asawa na si Florenda Yap (Ka Osang), at si Rosalino Canlubas (Ka Yuni), panrehiyong kumander ng BHB sa Cagayan Valley at pangalawang kalihim ng komite ng Partido sa rehiyon at kabilang sa mga nakababatang kadreng nahalal sa Ikalawang Komite Sentral.



- b) Ilang trilyong dolyar ang ibinubuhos ng mga abanteng kapitalistang bansa sa mga programang pampasikad para pabilisin ang muling pagbuhay sa kanilang mga ekonomya, ngunit lumilikha rin ng panganib ng sobrang pag-init ng ekonomya at ng bula ng utang na maaaring sumabog sa mga darating na taon.
- c) Pagdurusahan ng mayorya ng mga atrasadong ekonomya ang matagalang epekto ng pandaigdigang resesyon sa ekonomya.
- d) Tumitindi ang ribalang inter-imperyalista dulong ng agresibong pusisyon ng gubyernong Biden sa China at South China Sea, pagbubuo ng alyansang militar sa Indo-Pacific at mga hakbang nito sa Middle East.
- sa kabilang banda, papahigpit ang kontrol ng China sa SCS, Hong Kong at Taiwan at paparami ang paglalatatag nito ng mga base/pasilidad militar sa Africa, etc.

I. SADLAK PA RIN SA RESESYON ANG PANDAIGDIGANG KAPITALISTANG SISTEMA

NILAMON ANG PANDAIGDIGANG SISTEMANG KAPITALISTA ng isang pandaigdigang resesyon noong nakaraang taon kung saan ang pandemyang Covid-19 ay bigong hinarap ng mga gubyernong hindi handa at kulang sa kapasidad dahil sa mahihinang sistemang pangkalusugang binulok ng ilang taon nang neoliberal na mga kaltas sa badyet.

- Bumaling ang kalakhan ng mga gubyerno sa pagpapataw ng mga *lockdown* at restriksyon sa produksyon, pakikipagkalakalan at paggalaw ng mga tao na nagpabagsak sa buu-buong mga ekonomya, nagwasak sa maliliit na negosyo at malalaking kumpanya, at ibayong nagkonsentra ng kapital sa kamay ng iilang monopolyong kapitalista.
- Nagsimula noong Disyembre ang paglalabas ng dambuhalang mga kumpanya sa parmasyutika ng bakuna laban sa Covid-19 na naglantad sa kapitalistang katakawan sa tubo at sa makasariling interes ng mga imperyalista.

a) Ang pandaigdigang resesyon ng 2020 ay nagpalubha sa matagal nang istagnasyon sa ekonomya mula pa 2008 na humambalos sa pangunahing mga sentro ng kapitalismo na di makaahon sa bigat ng problema ng kapitalistang sobrang produksyon at bumabagsak na tantos ng tubo.

- nagpapatuloy ang sobrang suplay sa mayor na mga kalakal (asero, mga butil, krudong langis at mga produktong petrolyo) laluna nang tumigil ang internasyunal na kalakalan at bumagsak ang bentahan.
- may pansamantalang kakulangan sa suplay ng mga *semiconductor* at nag-uunahan ngayon ang mga monopolyo kapitalista sa US at China sa pagbuhos ng bilyun-bilyong dolyar na puhunan sa produksyon nito

e) Ang lumalalang kalagayang sosyo-ekonomiko at paninibasib sa mga karapatang sibil ay gumagatong sa mga paglaban ng mamamayan tulad ng mga welga sa US at Europe, kontra-huntang kilusan sa Myanmar, dambuhalang mga rali sa India at mga protest sa Brazil, Greece, Thailand, Russia at iba pang bansa na nagtutulak ng kahilingan ng mamamayan sa gitna ng pandemya at lumalaban sa tumitinding paniniil ng militar at pulis.

f) Sa gitna ng pandaigdigang krisis ng kapitalismo, lumilitaw ang tahasang mga pasistang rehimen sa dumaraming bansa.



II. TUMITINDI ANG TERORISMO NG ESTADO KASABAY NG ISKEMA NI DUTERTE NA PALAWIGIN ANG PASISTANG PAGHAHARI LAGPAS SA 2022

MAY HUMIGIT-KUMULANG 450 ARAW na lamang ang rehimeng Duterte bago magtapos ang upisyal na termino, kaya lalong nagiging desperado at brutal ito sa pagsagasa sa lahat ng balakid sa iskemang ipataw sa bayan ang pasistang diktadura at palawigin sa poder ang dinastiyang pampolitika nito.

a) Sa nakalipas na taon, tumanggi ang rehimeng Duterte na ilaan ang rekurso ng estado sa kinakailangang mga hakbangin para sa pampublikong kalusugan.

- Lumala ang burukratikong korapsyon sa pag-angkin ni Duterte ng hindi karaniwang kapangyarihan para ilipat ang salapi ng bayan sa bulsa ng kanyang pamilya at mga kroni at para sa labis na gastos militar.
- Nabara maging ang pagbili ng bakuna.
- ang Pilipinas bilang isa sa may pinakamasamang tugon sa pandemyang Covid-19.

b) Ang pinakamasasamang aspeto ng malakolonyal at malapyudal na sistema ay pinalubha ng bigong tugon sa pandemyang Covid-19. Sa pagsalalay sa mga *lockdown* para pigilin ang pagkalat ng pandemya, isinadlak ni Duterte ang ekonomya ng Pilipinas sa masidhing krisis.

- Bumagsak nang 9.5% ang GDP ng bansa noong 2020 pero mabilis na nabawi ng malalaking burgesyang kumprador ang inisyal na pagkalugi at nagkamal ng bilyun-bilyong pisong tubo
- Bumaling sa malaking dayong pangungutang para diumano sa pagharap sa pandemya.
- Labis na sumadsad ang kalagayang sosyo-ekonomiko ng mga manggagawa, magsasaka, mala-proletaryado at mababang petiburgesya.
- Itinutulak ng mga maka-liberalisasyon na mga masugid na utusan ni Duterte ang ibayong liberalisasyon ng ekonomya tulad ng *economic cha-cha* at Create Law
- tiyak na magdurusa ang bayan sa lalong pagsidhi ng krisis sa ekonomya at ng nagpapatuloy na hambalos ng pandemya sa darating na mga taon.

c) Kinukuha ni Duterte ang suporta ng bagong gubyernong Biden ng US sa kanyang pasistang rehimen sa pamamagitan ng "terminasyon" ng Visiting Forces Agreement (VFA), pag-alok na gawing imbakan ng US ng sandata ang bansa.

- sa kabilang banda, patuloy itong yumuyuko sa dikta ng China at wala itong pagkontra sa mga base militar sa West Philippine Sea

d) Dahil sa sidhi ng krisis ng naghaharing sistema, lumiliit ang rekursong pang-ekonomya at pampulitika para sa hatian ng iba't ibang paksyon ng mga naghaharing uri. Hangad pangkating Duterte na palawigin ang sarili sa poder upang patuloy na magkamal ng yaman at kapangyarihan.

- Kritikal na bahagi ng iskema ni Duterte na maghari bilang pasistang diktador o palawigin ang kanyang paghaharing dinastiya ay ang pagsupil sa ligal na demokratikong kilusan at pagpapatindi ng kontra-rebolusyonaryong digma nito.

e) Lalong nagiging brutal at nakamamatay ang gerang panunupil ni Duterte na dinidirihe ng National Task Force to End Local Communist Armed Conflict (NTF-ELCAC) at sinusuhayan ng Anti-Terror Law.

f) Halos apat na taon nang palupit nang palupit ang kontra-rebolusyonaryong gera para supilin ang masang magsasaka at gapiin ang BHB.

- pinabibilis nito ang pagpapalawak ng makinarya ng AFP at pagbili ng bagong mga sandatang militar sa kabila ng kakapusan sa badyet.
- sunud-sunod na malawakang mga opensibang militar mula 2018.
- naglulunsad ang AFP ng todong pambansang opensiba na nagpapakilos sa halos 150 batalyon ng AFP at mga tropang pangkombat ng PNP.



III. NAGPUPUNYAGI ANG BHB SA GITNA NG TODONG KONTRA-REBOLUSYONARYONG PANUNUPIL

BINIGO NG BHB ANG TAUNANG DEKLARASYON na plano ng rehimeng US-Duterte na "gapiin ang BHB."

a) Itinayo at pinatatatag ng Partido ang BHB upang gampanan ang pangunahing rebolusyonaryong tungkulin na agawin ang pampulitikang kapangyarihan sa pamamagitan ng pagdurog sa reaksyunaryong estado at pagtatayo ng demokratikong gubyernong bayan.

- Uunlad sa tatlong yugto ang matagalang digmang bayan: estratehikong depensiba, estratehikong pagkapatas at estratehikong opensiba. Malamang sasaklawin ng yugto ng estratehikong depensiba ang pinakamahabang panahon kung kailan kailangan ng BHB na mag-ipon ng armadong lakas sa pamamagitan ng paglulunsad ng malaganap at masinsing pakikidigmang gerilya sa batayan ng papalawak at papalalim na baseng masa.
- pinagsasanib ng BHB ang tatlong sangkap ng armadong pakikibaka, rebolusyong agraryo at pagbubuo ng baseng masa.

- b) Ang 5-taong plano ng Komite Sentral (2018-2022) ay naglalayong kumpletuhin ang mga rekisito ng gitnang yugto. Nilalayon ng Partido na lutasin ang mga disbalanse sa pagitan ng mga gawaing militar at pampulitika, kamtin ang balanse sa pagtalaga ng kanilang mga pwersa, sa pagsagawa ng gawaing militar at pampulitika at sa pagpapalawak at pagkokonsolida.
- c) Mula katapusan ng 2017, hinarap ng BHB ang walang humpay na mga atake at mabagsik na kampanya ng kaaway laban sa masang magsasaka at hukbong bayan. May ilang bahagi ng BHB at ng baseng masa ang nagtamo ng mga pinsala pero ang malaking mayorya ay nasa katayuan pa rin na pamunuan ang hukbong bayan sa paglulunsad ng malaganap at masinsing pakikidigmang gerilya sa batayan ng papalawak at papalalim na baseng masa.

- d) Nananatiling matibay ang mga ito sa kabila ng walang humpay na mga pagsisikap ng mga pwersa ng kaaway na putulin ang mga ito.
- e) Hawak ang malawak na suporta ng masa at pagkabihasa sa kalupaan, patuloy na nagsisikap ang BHB na pangibabawan ang mga nakapokus na operasyong militar at maglunsad ng mga taktikal na opensiba, na bumibira sa mga nakabukod o nahihwalay na mga himpilan ng kaaway.
- f) Sa kanayunan, lumalakas ang loob ng masang magsasaka at minoryang mga komunidad na maglunsad ng mga pakikibakang antipyudal at labanan ang pang-aagaw ng lupa at pagpasok sa mga lupaing ninuno ng malalaking panginoong maylupa, malalaking kumpanya sa pagmimina, ekoturismo at enerhiya.
- g) Sa kalunsuran, patuloy na lumalawak ang mga demokratikong pwersang nakahanay laban sa tiranikong rehimen.

- b) Ang 5-taong plano ng Komite Sentral (2018-2022) ay naglalayong kumpletuhin ang mga rekisito ng gitnang yugto. Nilalayon ng Partido na lutasin ang mga disbalanse sa pagitan ng mga gawaing militar at pampulitika, kamtin ang balanse sa pagtalaga ng kanilang mga pwersa, sa pagsagawa ng gawaing militar at pampulitika at sa pagpapalawak at pagkokonsolida.
- c) Mula katapusan ng 2017, hinarap ng BHB ang walang humpay na mga atake at mabagsik na kampanya ng kaaway laban sa masang magsasaka at hukbong bayan. May ilang bahagi ng BHB at ng baseng masa ang nagtamo ng mga pinsala pero ang malaking mayorya ay nasa katayuan pa rin na pamunuan ang hukbong bayan sa paglulunsad ng malaganap at masinsing pakikidigmang gerilya sa batayan ng papalawak at papalalim na baseng masa.



IV. MAGPUNYAGING ISABALIKAT ANG MGA TUNGKULIN SA PAGLABAN NG BHB

- Dapat magpunyagi ang Bagong Hukbong Bayan na isulong ang kritikal at mahihirap na tungkulin para isulong ang interes at kapakanan ng masang magsasaka
- Hinihingi ng sitwasyon sa bawat Pulang mandirigma at kadre ng Partido ang malalaking sakripisyo at disiplinang bakal, gayundin ang determinasyon, kapangahasan, pagkamapanlikha at walang hanggang pagtitiwala sa masa.
- Sa paglaban sa kaaway, pinanghahawakan ng BHB ang estratehikong linya ng matagalang digmang bayan at mahigpit na binubuklod ang masa at buong lakas na lumalaban kaagapay nila.

IV. Magpunyaging isabalikat ang mga tungkulin sa paglaban ng BHB

- 1) Palalimin at palakasin ng BHB ang rebolusyonaryong baseng masa. Ito ang susi sa pagbiga at pangingibabaw sa kontra-rebolusyonaryong gera ng kaaway.
- 2) Laging sikapin na makipagkaisa sa masang magsasaka, pangunahing sumasalig sa mahihirap at mababang panggitnang mga magsasaka at manggagawang bukid, kinakabig ang mga gitnang-panggitnang magsasaka, at ninunyuutralisa ang mayayamang magsasaka at naliliwanagang mga panginoong maylupa, sinasamantala ang mga kontradiksyon sa pagitan ng mga naliliwanagan at despotikong panginoong maylupa para ihiwalay at wasakin ang kapangyarihan ng mga pyudal na mga despotiko.
- 3) Gitgitang labanan ang mga atake ng kaaway, at ang okupasyon at paggagarison sa mga baryo at pangibabawan ang ipinapataw na mga pasistang restriksyon
- 4) Patuloy na itayo at palakasin ang lokal na mga sangay ng Partido, rebolusyonaryong mga organisasyong masa at mga yunit ng milisyang bayan.

- 5) patuloy na palakasin ng Bagong Hukbong Bayan ang pagrerekrut sa bagong mga Pulang mandirigma mula sa masang magsasaka, gayundin sa mga manggagawa at petiburges na intelektwal sa kalunsuran.
- 6) Lahatang-panig na palakasin ang sarili sa pamamagitan ng mga pulitiko-militar na pagsasanay, pagpapalaganap ng propaganda at edukasyon, pagtitiyak ng kalusugang pisikal at mental, mga programang literasi. Isagawa ang pagpuna at pagpuna-sa-sarili para pangibabawan ang mga kahinaan at palakasin ang pagkakaisa at pagsalig sa isa't isa.
- 7) Paalon-along magpalawak ng teritoryo o erya ng mga operasyon nito, habang binabalanse ang pagpapalawak at konsolidasyon. Irebyu ng mga namumunong komite ng Partido at kumand ng BHB ang pagpapakat ng mga pwersa ng BHB alinsunod sa prinsipyo sa istruktura ng mga pwersa ng BHB at mga batas ng pag-unlad ng pakikidigmang gerilya.

8) Ilunsad ng BHB ang masaklaw at maigting na pakikidigmang gerilya. Dapat maglunsad ang BHB ng mga taktikal na opensiba na tiyak nitong mabilis na maipagtatagumpay.

- Ideploy ang mga yunit partisano ng BHB sa mga syudad at sentrong bayan para sa pag-aresto o pagparusa sa mga pasistang kriminal na responsable sa kampanya ng maramihang pagpaslang at terorismo ng estado laban sa masa.

9) Biguin ang mga nakapokus na operasyong militar at todong opensiba ng kaaway, mga operasyong kombat at saywar at panunupil laban sa masa.

- magtalaga ng mga iskwad at pangkat ng mga Pulang mandirigma para umatake mula sa mga likuran o tagiliran ng kaaway para idiskaril ang mga plano at kilos nito.

10) Palakasin ng Partido ang pamumuno nito sa BHB sa lahat ng antas sa pamamgitan ng mga kumperensyang militar at pagpapagana ng mga sangay ng Partido at regular na makagana sa loob ng mga kumpanya at platun ng BHB.

Wakasan ang pasistang rehimeng Duterte!

Magsumikap na palakasin at palawakin ang Bagong Hukbong Bayan at ang
baseng masa nito!

Paigtingin ang pakikidigmang gerilya at biguin ang malupit na
kontrarebolusyong digma ng kaaway!

Isulong ang digmang bayan!

Mabuhay ang Bagong Hukbong Bayan!

Mabuhay ang Partido Komunista ng Pilipinas!



#NPA52